

Ki samla ki dei ban kiar na ki jingdih pynbuaid bad long ki nongshong shnong ba don jingkitkhlieh: DSP Crime

Shillong, Nailar 03: Kum shi bynta ka campaign Nasha Muk্ত Yuva for Viksit Bharat ha ka ri baroh kawei, ka MY Bharat, East Khasi Hills ka la pynlong ia ki jingiakob Nasha Muk্ত ha ka kyrdan district ha St. Edmund's College, ban pynshlur ia ka jingtashim bynta jong ki samla ha ka jingiakhun pyrshah ia ka jingdih drok.

Kane ka jingialang ka la pyniasohlang ia ki samla pule bad ki samla na kylleng ka district ban pynsaphriang jingtip pyrshah ia ka jingdih drok lyngba ka jingpyni ia ki sap bad ban pynskhem ia ka khubor jong ka imlang sahlang kaba koit ba khiah bad kaba lait na u drok.

La pynlong phra tylli ki jingiakob kiba pynshong nongrim ha ka phang pdeng jong ka jingdiada na ka jingdih drok, kaba la ailad ia ki nongtashim bynta ban pyni ia ka jingtbrit jong ki lyngba ka

Affairs jong ka sorkar pdeng, ryngkat ka jingkyrshan jong ka kynhun MY Bharat kaba la trei borbah, kaba pynthikna ia ka jingpynlong kaba jop ia ki jingiakob bad ki prokram ai jinghikai paidbah.

Ka bynta kaba kyrpang jong ka kane ka prokram ka long ka jingleit jngoh jong ki nongjop ha ki district sha Raj Bhavan, Shillong, ha kaba ki la ioh lad ban iakynduh ia u Lat ka jylla Meghalaya.

Ha kane ka jingleit jngoh, ki nongtashim bynta ki la pyni ia ka street play kaba pyni ia ka jingdiada na ka jingdih drok bad ka jingdonkam ban im ka jingim kaba koit ba khiah, kaba lait na ka jingkyrni. Kane ka street play ka la ioh jingiaroh na baroh namar ka jingkyntiew ia ki jingthmu jong ka campaign bad ai mynsiem ia ka jingtreilang pyrshah ia ki

Set phatok shijingim ia u nongpyniap briew, dawa ka rally ha Mawrok Porsohsat

Nongstoĩn, Nailar 03: Da ki spah ngut ki paidbah nongshong shnong, jong ka thain Mawrok Porsohsat ha ka sngi nyingkong ki la mih paidbah, ban pynpaw ia ka sur jong ka jingpynrem bad ka jingdawa na ki bor jong ka ain, ba dei ban set phatok shi jingim ia u runar u Koldingstar Thongni, u ba la thombor bad shim ruh ia ka jingim jong u Bah Elbin Kharbani ha ka miet shiteng synnia jong ka 31 tarik.

Ka jingmih paidbah jong ki nongshong shnong kynthei bad shynrang ka la sdang naduh ka nohphai sngi, ha kaba la sdang ia ka jingiaid paitbah nadudh Lai lad jong ka shnong Sohpiang ter ter shaduh ka madan shnong Mawrok Porsohsat.

Ka sur kaba tylli na ki nongiaid paidbah ka long beit ka jingpynrem jur ia u runar thrang snam, u Koldingstar Thongni u ba la pyniap ia la u kthaw kurim da kaba pom da ka wait haduh ba un da mynsaw jur bad khlad noh.

Ki la don haduh 8 tylli ki shnong kiba la wan ban iashimbynta ha katei ka rally, kiba la rah ruh ryngkat ki jingthoh pynrem ha ki placard ryngkat ka jingpyrta kaba jam ba dei ban pynshitom tyngeh ia u runar u ba la nud ban shim ia ka jingim briew.

Kine ki shnong ba marjan ki kynthup naduh ka shnong Pyndenglawar, Nongryntong, Syllei-lawkheĩn, Domkohsam, Nongsohpian, Nongspung, Photjaud, Mawrok Porsohsat bad

kiwei kiwei.

Nalor kitei ki shnong la wan ban iashimbynta lang ruh shibun ki riew rangbah jong ka thain Nongstoĩn kiba kynthup naduh ki nongialam shnong, ki seng longkmie, seng samla, seng rangbah ki la mih paidbah lang bad ban ai jingkren da ki kyntien ban pynrem jur ia utei u runar thrang snam.

Ha katei ka jingialang la iadonlang u bah Pynroilang Nongsiej sordar shnong Mawrok Porsohsat, Lumlang Kharsyiemlieh President ka HYC WKHD, kong A Kharsyntiew Secretary ka Senglongkmie New Nongstoĩn, bah D.Sun President ka WKSU, bah Moslandar Marngar, bah Eric Kharsyntiew bad kiwei kiwei ki riew pawkhmat ka thain Nongstoĩn bad ia katei ka jingialang la pyniaid da u bah Sirian Wahlang sordar shnong Nongsohpian.


Na ka liang ki nongialam bapther bapther, da kawei ka sur ki la pyrta jam ha ki jingkren jong ki ba kum kine ki jingjia, kiba jia ha ka imlang sahlang dei ban pynduh pyndam shisyndon da ka jingtreilang ha baroh ki liang.

Ki nongkren ki la pynpaw ruh ba dei ban tohkit bniah bad ban pynngat ia u runar ha ki kyndon ain kiba tyngeh katkum ki ain pyniap briew. Shuh shuh, ki la don ruh ki nongkren kiba la ong ba dei ban set phatok shi jingim ia kum une u briew u ba pyntriem ia ka imlang sahlang.

Halor ka jingiap ka Kong Joit Kharlyngdoh pynlong ka Dorbar Shnong Jakrem da ka 'Peace Rally

Mawkyrwat, 'Nailar 03, 2026: Kum ka dak ban pynpaw ia ka jingsngewsih kaba jur bad ban pynrem ia ka jingshah pyniap jong ka Kong Joit Kharlyngdoh bad ki la kyrpad ia ki bor ba dei peit ba kin pynkloi ia ka jingtohkit khnang ba kiba donkti ha kane ka kam kin shah kem bad ioh ia ka jingbishar kaba hok katkum ka ain.

Ha kajuh ka por, ka Dorbar Shnong Jakrem lyngba u bah Pascal Wahlang uba dei u Myntri Shnong u la kyntu ia ki paidbah ban iai bteng ban iatreilang, ban pynneh ia ka jingialong kawei, ka jingiasuk bad ka jingiaishah para briew, khnang ban wanrah ia ka



Sah lyngngoh ki paidbah lai shnong bym patiaw ka sorkar halor ka surok

Nongstoĩn, Nailar 03: Ka shnong Kyndongei, Mawkapiah bad Nongrim Hills, ki la ju dawa na ka por sha ka por na

ka sorkar lyngba ka tnad PWD ba kan thaw ki lad ki lynti, da kumno ban mang pisa lane tang ban maramot ia ka surok, namar ka la pynjnyar palat ia ki paidbah ha ka leit ka wan.Hynrei, lah bun bun snem haduh mynta ruh ym don ba patiaw ne phai khmat lem halor ka jingdawa jong ki paidbah nongshong shnong.

Katei ka surok ka dei kaba la pyntrei lyngba ka skhim MNREGS, hynrei ha ki aiom slap ka dap tang da ki thliew ki syar bad ki kali kiba iaid ki shem jingeh haduh katta katta lait noh tang ki trok four wheel. Na ka bynta ki paidbah jong ki lai tylli ki shnong ba kynthup ia ka Kyndongei, Mawkapiah bad Nongrimhills, kane ka surok ka dei kaba dang donkam haduh katta katta ha ka leit ka wan bad ka kit ka bah.

Lah ban kdew hangne ba kitei ki lai tylli ki shnong ki dei kiba hap ban iaid lyngba ka shnong Nonglang. Naduh ka shnong Nonglang, ka la don ka surok kaba la siang da ka dew bilat tang ba ka poi tang harud shnong Kyndongei bad ka bynta ba ka surok ka bteng haduh ban da poi sha Mawkapiah, dei tang ki trok ki lah ban iaid kata ruh tang lada dei ka por ba rang.

Ki nongsynshar shnong ki la pynpaw ia ka jingsngewkhia halor ka jingsniew jong katei ka surok.Kitei ki rangbah ki la iathuh ba ki la pyrshang katba lah ban maramot hi ia katei ka surok da kaba ia mih paidbah ban trei. Hynrei ym lah satia ban pynbha namar ka jingdon jong ki trok kit dieng kiba iaid man ka por khamtam ha ki por ba slap.

Ki la iathuh ba ki la pynlut ruh da ka pisa ban phah kit maw ban thep ha ki thliew ki syar hynrei ym lah satia ban pynbha.Ki paidbah jong ka shnong Mawkapiah bad Nongrimhills, ki dei tang ki nongrep bad ki mar rep ba kongsan ba ki pynmih ki long u synsar bad u sying. Hynrei, namar ka jingbym don ia ka surok kaba biang ki paidbah ki shem jingeh haduh katta katta ban pynpoi ia ki mar rep sha ki iew ki hat.

Kitei ki rangbah ki la kyrpad jur ia ka sorkar ba kan phai khmat lem ban phah shna da ka surok kaba kham bha ban pynpoi sha kitei ki shnong, khnang ba ki paidbah nongrep bad ki nongleit nongwan kin lait na ka jingeh.

New Delhi, Nailar 02 : U Myntri Sorkar Pdeng ba dei khmih ia ki tnat Kam Pohiing bad Kam Iatreilang Amit Shah u la ai jingmynjur ia ka jingpyllait lypa ia 2,117.85 klur na ka bynta jong ka Sorkar Pdeng ha ka State Disaster Response Fund (SDRF) ban kyrshan ia ki jylla kiba shah ktah ha ka jingshlei um ha kane ka aiom slam jong u snem 2026.

Hapoh ka jingialam jong u Myntri Rangbahdudh Narendra Modi, ka Sorkar ka bteng ban kut jingmut ban ai lut ki jingiarap ia ki jylla na ka bynta ki sienjam ai jingiarap bad ka jingpyllait im bad kan bteng ban peit bniah ia ka jinglong jingman.

Naduh ba sdang ka aiom slap,ka Sorkar Pdeng kala bteng ban peit bniah ia ka jingshlei um ha ka jingiatreilang bad ki Sorkar Jylla. Ka Sorkar Pdeng

ka la dep ban ai lut ki jingiarap, ba kynthup ruh ia ka jingphah ia ki kynhun National Disaster Response Force (NDRF) bad ki jingai jingiarap na ka Tnat Kam Iada ri, haba donkam ia kane.

La phah ruh ia ki kynhun Inter-Ministerial Central Team (IMCT) sha Arunachal Pradesh bad Assam tban peit bniah ia ka jingjolor: Ki la don artylli ki jingleit jong ki IMCT sha Assam namar ka jingjur jong ka jingshlei um, bad katkum ka jingkyntu jong ka Sorkar Nagaland, dang pynbiang ia ka IMCT na ka bynta ka jylla.

Na ki hymniew tylli ki jylla ba shah ktah, ka Himachal Pradesh, Odisha bad Nagaland ki la ioh ia ka bynta kaba nyngkong jong ka SDRF na ka bynta u snem mang tyngka 2026-27. Ban pynthikna ia ka jingbiang ka pisa na ka bynta ki kam ai jingiarap, u Myntri ka

Assam kum ka jingpyllait lypa ia ka bynta kaba nyngkong, katba la mynjur 500 klur ia ka Gujarat kum ka jingpyllait lypa ia ka bynta kaba nyngkong. Ka Himachal Pradesh, kaba la ioh lypa ia ka bynta kaba nyngong jong ka SDRF na ka bynta u snem 2026-27, ka la ioh 193.95 klur kum ka jingpyllait lypa ia ka bynta kaba ar jong ka bynta jong ka Sorkar Pdeng.

La ai jingmynjur ba ka Maharashtra kan ioh 500 klur kum ka jingpyllait lypa ia ka bynta kaba nyngkong. Ka Odisha, kaba la ioh lypa ia ka bynta kaba nyngkong, ka la ioh 500 klur kum ka jingpyllait lypa ia ka bynta kaba ar: Lyngba kane ka jingai jingmynjur, la pynbiang haduh 2,117.85 klur na ka bynta ki jylla kiba shah ktah ha ka jingshlei um ban pynkhlain ia ki sienjam ban ai jingiarap. (PIB)

Aijingiarapka Apollo Hospital Guwahati ha ka liang ka jingsumar bad marbam sha ki lanot shlei um ha Assam

Guwahati, Nailar :Haba ieng skhem ha ryngkat ki paidbah ka Assam kiba la mad ia ki jingeh na ka jingsylla jong ka jingshlei um kaba dang iaid shakhmat, ka Hospital Apollo Guwahati ki la pynlong ia ka jingai jingiarap lyngba ka jingpynpoi ia ki lad jingsumar bad ki mar bam mardih sha ka thain Doba-Tiniali, Charaideo, Assam ha ryngkat ka jingiatreilang bad ki pulit ka Charaideo.

Lyngba ka jingmut jingmut bad ka jingaiti na ka bynta ka bha ka miat jong ka imlang sahlang bad ka jingai jingsumar sha kito kiba donkam, ki Hospital Apollo Guwahati ki la phah ia ka kynhun kaba kynthup ia ki doktor, ki nurse, bad ki nongtrei ba kyrshan ban aijingiarap mardor ha ka liang ka koit ka khiah kynthup ia ki dawai dashin sha ki longiing kiba shah ktah ha ka jingshlei um ba shyrkhei.

Kum shi bynta ban aijingiarap sha ki briew, ka hospital ka la sam palat 1,000 ki jingiarap kiba don ki dawai

dashin kiba kongsan, ki tiar bam, ki jain, bad kiwei kiwei ki tiar ba kongsan sha ki briew bad ki longiing kiba shah ktah ha ka jingshlei um.

Ka jingioh lad ha ka liang ki jingsumar ka kylla long kaba duna bha ha kiba kum kine ki por ba jia ki jingjia shah pynjolor ha ki bor mariang, kumta ruh na ka liang ki Hospital Apollo Guwahati ka la pynlong ruh





GOVERNMENT OF MEGHALAYA

OFFICE OF THE DEPUTY COMMISSIONER

RI BHOI DISTRICT, NONGPOH.

Phone No. 03638-299960. Email I/d: dc-rb-meg@nic.in



NO.DCRB.JL/8/2023/138, Dated Nongpoh, the 29th July, 2026.

PUBLIC NOTICE

It is hereby informed to general public that Smt Therina Ingti M/o (L)Miss Retina Hanse, resident of Khamar Kharpati, Ri Bhoi District, Nongpoh PS, Meghalaya is applying for Legal Heir Certificate. Objection from the public/relatives/family members or any individual against the issuance of Legal Heir Certificate to Smt Therina Ingti can be filed in the office of the undersigned within 15 (Fifteen) days from the date of publication of this notice.

Sd/-
(Smt E.N Marak, MCS)
Executive Magistrate,
Ri Bhoi District, Nongpoh.

MIPR No. 1285, Dt. 03/08/2026



GOVERNMENT OF MEGHALAYA

OFFICE OF THE DEPUTY COMMISSIONER

RI BHOI DISTRICT, NONGPOH.

Phone No. 03638-299960. Email I/d: dc-rb-meg@nic.in



NO.DCRB.JL/8/2023/139, Dated Nongpoh, the 29th July, 2026.

PUBLIC NOTICE

It is hereby informed to general public that Smt Therisa Wardkhar D/o (L)Smt Helen War, resident of Umbir, Ri Bhoi District, Nongpoh PS, Meghalaya is applying for Legal Heir Certificate. Objection from the public/relatives/family members or any individual against the issuance of Legal Heir Certificate to Smt Therisa Wardkhar can be filed in the office of the undersigned within 15 (Fifteen) days from the date of publication of this notice.

Sd/-
(Smt E.N Marak, MCS)
Executive Magistrate,
Ri Bhoi District, Nongpoh.

MIPR No. 1286, Dt. 03/08/2026



GOVERNMENT OF MEGHALAYA,

OFFICE OF THE DEPUTY COMMISSIONER,

SOUTH WEST KHASI HILLS DISTRICT,

MAWKYRWAT

email: dc-swkh-meg@gov.in/dpo.swkh-meg@gov.in



NO. SWK.PLA.145/CMYDS 2025-26/2026/2, Dated Mawkyrwat, the 28th July, 2026

JINGPYNBNA

Ka Ophis jong U Deputy Commissioner, South West Khasi Hills District, Mawkyrwat ka khot application na ki Voluntary Agencies (VAs), Non- Governmental Organizations (NGOs) kiba hap hapoh South West Khasi Hills District na ka bynta ban ioh jingiarap na ka Scheme Chief Minister's Youth Development Scheme (CMYDS) jong u snem 2024-25.

Ki jingiarap hapoh kane ka Scheme kin kynthup ia kine harem:

(i) Ki Tamasa ne ki prokram ban kyntiew ia ka sap ka phong ki samla ka District (Youth Festivals).

(ii) Ki jingai jinghikai ban kyntiew ia ki samla ha ki kam ki jam bad kiwei kiwei ki mat ba ia dei bad ki samla.

(iii) Ka jingioh jinghikai na ki jingleit jingohkai (Exposure/Educational trips).

(iv) Jingiasyllok bad jingiatei ban pyllait ia ki samla na ki jingkyrni basniew (Youth Counseling / Rehabilitation).

Ia ki application form na ka bynta kane lah ban ioh na ka District Planning Office, ha ka Ophis jong U Deputy Commissioner, South West Khasi Hills District naduh ka **03.08.2026** ha ki por long trei.

Ka tarik ba khatduh ban pdiang ia ki application form kan long ha ka **31.08.2026**.

Sd/-
(A. L. Mawking, IAS)
Deputy Commissioner,
South West Khasi Hills District, Mawkyrwat

MIPR No. 1279, Dt. 03/08/2026